

詩問

國風下



冊貳

08502

詩問卷二

樓震曬書堂原本

孫男聯

蓀芬

校字

亦請圖
書印
齊正業

曾孫男國

瑞麟

同校字

國風

鄭

緇衣之宜兮敝予又改爲兮適子之館兮還予授子之
粲兮

緇黑色敝還皆一字句粲餐也一云米也言見賢人

衣緇甚宜其德若其敝時我又改爲之適其館舍就

與親洽及我還時又將饋食之君子愛其人衣服如

詩問 國風卷下

見之飲食如見之惟其誠而已

緇衣之好兮敝予又改造兮適子之館兮還予授子之

粲兮

好鮮新也衣改爲故見其好敝則又改造之無厭心

又言授粲再飯也

緇衣之蓆兮敝予又改作兮適子之館兮還予授子之

粲兮

蓆大也衣改造而寬大敝則又改作之無儉心又言

授粲三飯也

緇衣三章章六句

古注章四句

緇衣好賢也孔子云吾於緇衣見好賢之至瑞玉曰舊云鄭武公養賢而賦緇衣非賢武公也將仲子兮無踰我里無折我樹杞豈敢愛之畏我父母仲可懷也父母之言亦可畏也

將請也仲子祭仲也里居也杞柳屬仲陰與莊公謀除叔段公拒之非愛弟也欲厚其毒而去之詩人窺其謀誅其意爾余問里牆園有何義瑞玉曰里較遠喻無洩於國也洩於國父母知之將謫我母謂武姜

詩問 國風卷下

也余曰懷私曰懷言仲可私懷之無多言

將仲子兮無踰我牆無折我樹桑豈敢愛之畏我諸兄仲可懷也諸兄之言亦可畏也

瑞玉曰牆稍近喻無洩於朝也洩於朝諸大夫知之將議我諸兄公族也

將仲子兮無踰我園無折我樹檀豈敢愛之畏人之多言仲可懷也人之多言亦可畏也

園圃也檀疆韌之木瑞玉曰園尤深隱喻無洩於後宮也洩於後宮左右之人將漏言於外謀敗矣人謂

近臣也

將仲子三章章八句

將仲子序云刺莊公也瑞玉曰篇內通作隱語假莊公戒仲之辭無踰我里喻無談我家事也無折我樹杞喻無勸我除段也仲謂公曰今京不度非制也將不堪宜削其地公答言削其地顧令彼坐而疑我矣姑待之仲不復言卒與公伐叔段而奔之

叔于田巷無居人豈無居人不如叔也洵美且仁

詩問

國風卷下

三

叔共叔段也巷里塗也仁謂分禽均也言叔往田獵眾聚觀之里巷之內空如無人皆嗟歎言不如叔美爾

叔于狩巷無飲酒豈無飲酒不如叔也洵美且好

冬獵曰狩狩畢則飲酒於里巷好謂獻酬歡洽

叔適野巷無服馬豈無服馬不如叔也洵美且武

郊外曰野飲酒畢又馳馬於野外武謂控御驅騁

叔于田三章章五句

叔于田序云刺莊公也處叔於京號京城大叔

馳騁弋獵輕佻飛揚閭里少年朋游追逐競爲
誇美而公不禁君子閱之而作

叔于田乘乘馬執轡如組兩驂如舞叔在藪火烈具舉
禮褻暴虎獻于公所將叔無狃戒其傷女

乘馬四馬也在旁曰驂如組成文不亂如舞諧和中
節御之善也藪禽府也火火田也禮褻肉袒也徒手
搏獸曰暴言叔往田獵騁馬習御浴藪舉火著其狂
暴又攘臂逞勇欲搏虎獻公其徒戒云請叔無習此
事恐或傷汝也述其往復之辭以爲笑樂

詩問 國風卷下

四

叔于田乘乘黃兩服上襄兩驂雁行叔在藪火烈具揚
叔善射忌又良御忌抑磬控忌抑縱送忌

內馬曰服襄駕也雁行差後也忌抑皆語辭磬折也
控止也以實良御也縱發矢送逐禽以實善射也言
叔又乘四黃馬輕無度也楚子見右廣欲乘屈蕩戶
之曰君以此始亦以此終

叔于田乘乘鵠兩服齊首兩驂如手叔在藪火烈具臯
叔馬慢忌叔發罕忌抑釋柙忌抑鬯弓忌

臯白雜毛曰鴉齊首不先後也如手相左右也臯火

燼也田事且畢示其整暇棚疑以手控勒馬之名釋
棚示閒逸也鬯弓弣弓示不用也言叔又乘四鵠夸
其多馬且徧能服之火燼山積著其甚暴終事釋棚
以實馬慢也鬯弓以實發罕也傳云棚所以覆矢謂
箭箭蓋也○愚案棚
字從手則非器名春秋傳執冰自作冰非棚
也又承馬慢發罕之文亦不合偏言弓矢

大叔于田三章章十句

大叔于田序云刺莊公也叔游獵無度輕揚自
喜而公不禁君子風之而作二詩名篇旣同加
大以別之

詩問 國風卷下

五

清人在彭駟介旁旁二矛重英河上乎翺翔

彭地名介甲也旁旁非一方也二矛曾矛夷矛也英
飾也言高克在軍無事介馬而馳長矛不刺翺遊河
上而已不言高克而言清人主帥無威賤之爾

清人在消駟介庶庶二矛重喬河上乎逍遙

消亦河上地名庶庶武貌矛之上句曰喬英倣而喬
存

清人在軸駟介陶陶左旋右抽中軍作好

軸亦河上地名師久不歸數有遷徙陶陶閒適貌止

馳駟馬不建二矛無鬪志矣左軍旋反右軍抽退中軍高克徒爲好言鎮之而不能也潰矣

清人三章章四句

清人序云刺文公也高克專利而不顧其君文公惡之使將清邑之兵禦狄河上久不召而師潰高克奔陳公子素作是詩

羔裘如濡洵直且侯彼其之子舍命不渝

直順也侯美也言羔裘潤澤毛順而美彼服此裘者甯舍君命不變其操稱其服也牟氏曰侯君也信正直且宜爲君侯之子指直臣

詩問

國風卷下

六

羔裘豹飾孔武有力彼其之子邦之司直

飾緣袖也臣不純羔言豹甚武而有力故服其所飾裘者如之而爲邦之直主牟氏曰孔武有力美君也羔裘晏兮三英粲兮彼其之子邦之彥兮

晏安也服稱其德則安三英裘飾也裘黑而英白故粲然光明彥美士也牟氏曰羔裘晏服之以晏樂也微著所以諫者

羔裘三章章四句

羔裘美直也牟氏曰鄭之君荒於耽樂有直臣
進諫頓絕羔裘著牽裾之節君仁臣直詩人美
而爲之辭先美其裘美其君而遂美其臣也

遵大路兮摻執子之祛兮無我惡兮不寔故也

寔速也瑞玉曰民間夫婦偶以細事爭忿夫循大路
而去婦從後挽畱之言子無以小嫌而惡我不可以
倉卒棄故舊也動以夫婦舊恩則怒心平以經言寔
故知事由倉卒爾

遵大路兮摻執子之手兮無我醜兮不寔好也

詩問 國風卷下

七

醜同醜瑞玉曰婦人挽畱情急初擊之得其祛又擊
之得其手復言無以色衰而醜我不可以倉卒棄情
好也婦辭愈婉夫怒愈平

遵大路二章章四句

遵大路瑞玉曰畱夫也民間夫婦反目夫怒欲
去婦懼而挽之聖人取此者見夫義婦順雖有
小嫌婦當降下於夫不可自尊而失婉順之禮
也

女曰雞鳴士曰昧旦子興視夜明星有爛將翔將翔弋

鳧與鴈

昧晦也旦明也明星啓明也翱翔飛貌弋繳射也女
促男曰雞鳴矣可以興士答曰昧旦乃興未晚也女
又促曰子起視夜色明星當爛然天曙矣宿鳥將翔
翔飛去子起弋射之

弋言加之與子宜之宜言飲酒與子偕老琴瑟在御莫
不靜好

加中也宜烹調也女言子若弋得鳧鴈我當與子和
調其宜以之飲酒和樂期於偕老家庭雍雍則雖琴

詩問

國風卷下

八

瑟在御亦莫不安靜和好謂器用之屬不有怪孽
知子之來之雜佩以贈之知子之順之雜佩以問之知
子之好之雜佩以報之

知相知謂執友也來往來也雜佩觸燧箴管之屬問
遺也女又言子之相知者若來與子道德滋益於其
去當解雜佩贈之或身不來而情相順愛者亦當解
佩遣人問之或彼遣人通問敘好亦當解佩報答其
意佩微物也而可以結良友故反復之

女曰雞鳴三章章六句

女曰雞鳴美賢婦也家道興於儆勤婦職成於和敬德業資於仁賢茲三善也又皆出婦人之意述以美之凡男子游惰皆女子逸欲導之爾周宣晏起姜后脫簪詩以女曰發端篇內凡言子者皆女謂男之辭教戒而成德女良友也又不自功而欲益友以成之賢矣

有女同車顏如舜華將翔將翔佩玉瓊琚彼美孟姜洵美且都

舜木槿也佩玉有玕璜琚瑀之類孟姜卽同車者也

詩問國風卷下

九

都閑雅也言羣女同車出遊望其顏色如舜華下車翱翔而行佩服甚盛其中絕美者爲孟姜不獨信美而且閑雅尤可敬忽何不取之

有女同行顏如舜英將翔將翔佩玉將將彼美孟姜德音不忘

行路也下車同游於路英猶華也將將鳴玉聲卽德音也不忘者人旣過去音猶在耳

有女同車二章章六句

有女同車惜忽也世子忽以事至齊齊侯請妻

之忽辭從者言齊女出遊人望見之美而賢也
山有扶蘇隰有荷華不見子都乃見狂且

扶蘇疑草名荷蕤荷也依陰溼而生都閑美也狂狂

人也且語辭言山隰草卉各有其宜以興朝廷之上

美惡易位也傳云扶蘇小木未見所出又云荷華芙蓉也經云隰有則非水草蕤荷莖葉似

薑潘岳閒居賦蕤荷依陰是也案傳曰扶蘇扶胥疑是木名非凡小木即名扶蘇也又案蘇扶二字古多

通用戰國策以包胥為勃蘇越絕書以姑蘇為姑胥淮南子亦云句踐甲卒三千人以擒夫差於姑胥國

語史記並作姑蘇

山有橋松隰有游龍不見子充乃見狡童

詩問 國風卷下

橋木名一作喬游放縱也龍紅草也不見充實忠良

之士乃見狡詐而少不更事之人

山有扶蘇二章章四句

山有扶蘇序云刺忽也所美非美然朱子云賢

者佞智者愚也

蓀兮蓀兮風其吹女叔兮伯兮倡子和女

蓀落葉也倡和喻同志也言槁葉風吹不能久矣叔

伯諸臣豈可坐視有倡子者我則和之爾

蓀兮蓀兮風其漂女叔兮伯兮倡子要女

漂飄同要約也漂甚於吹要急於和

擗兮二章章四句

擗兮閔忽也弱不能自存危亡將至擗兮風吹
淒然有歲寒搖落之感華谷嚴氏云小臣憂國
呼諸大夫而告之

彼狡童兮不與我言兮維子之故使我不能餐兮

彼外之之辭狡童目權臣也子親之之辭又諸侯卽
位未踰年稱子謂忽也言狡童專謀不與我言憂其
蔽君維此之故使我不遑餐也

詩問 國風卷下

十一

彼狡童兮不與我食兮維子之故使我不能息兮

食食祿也息安寢也權臣專其謀祿賢人廢其食寢
狡童二章章四句

狡童憂忽也權臣擅命不與賢人圖事君子憂
之

且 子惠思我褰裳涉溱子不我思豈無他人狂童之狂也

褰說文云袴也子謂君也我我賢者也言子心誠愛
我我則涉溱從子不然我卽去豈無他人從子乎但

狂童之狂若此無可爲者恐他人亦不留爾

子惠思我褰裳涉洧子不我思豈無他士狂童之狂也
且

溱洧未必褰裳可渡假言爾士未仕之稱

褰裳二章章五句

褰裳思去也權臣擅命賢人去之憂國無與立

爾

子之丰兮俟我乎巷兮悔予不送兮

子謂壻也丰豐滿也我女之父母自我也巷門塗也

詩問

國風卷下

三

送謂遣女也禮嫁女往送之門言壻之面貌丰丰然
善人也己來親迎俟於門外我不送女與俱行今悔
之

子之昌兮俟我乎堂兮悔予不將兮

昌盛壯貌堂謂寢廟之堂士禮受女於廟庶人於寢
皆在堂也將將女也壻親迎見於舅姑舅姑承子以
授壻是將女之義

衣錦褰衣裳錦褰裳叔兮伯兮駕予與行

錦衣庶人之妻嫁服上加禪縠在塗以蔽塵也婦人

之服不殊裳言裳者韻句爾瑞玉曰叔伯女之伯父
叔父也既告之悔因呼兄弟曰女衣裝備具可以行
嫁汝其駕我之車追而行之

裳錦裝裳衣錦裝衣叔兮伯兮駕予與歸

歸嫁也瑞玉曰行在塗也歸至家也

丰四章二章章三句二章章四句

丰美有禮也余問若謂男行而女不隨經當云
悔予不從何云不送迎己者一而已叔則非伯
伯卽非叔抑二人與瑞玉曰女之父母辭也時
有不備禮而迎者父母不肯遣女既悔追而遣
之得禮之變矣詩人述其事爲之辭

東門之墀茹蘆在阪其室則邇其人甚遠

除地爲町曰墀茹蘆茅蒐也陂者曰阪言門之旁有
墀墀之外有阪人爲圃畦而茹蘆生之其間有隱者
之室但室雖邇人則遠爾

東門之栗有踐家室豈不爾思予不我卽

栗表道樹也踐行迹也言門之旁有栗栗之下有人
行迹通至隱者之家但我雖思爾爾不我就爾

案踐居也

方言慰塵度尻也江淮青徐之間曰
慰東齊海岱之間或曰塵或曰踐

東門之墀二章章四句

東門之墀思隱士也大隱在都市東門之外有
隱君子之廬人望之而不得即焉爾有踐家室
韓詩作有靖家室注云靖善也言東門之外栗
樹之下有善人可與成爲家室也

風雨淒淒雞鳴喑喑既見君子云胡不夷

淒淒寒涼也喑喑聲和也瑞玉曰寒雨荒雞無聊甚
矣此時得見君子云何而憂不平故人未必冒雨來

詩問

國風卷下

西

設辭爾

風雨瀟瀟雞鳴膠膠既見君子云胡不瘳

瀟瀟暴疾也膠膠聲雜也瑞玉曰暴雨如注羣雞亂
鳴此時積憂成病見君子則病愈

風雨如晦雞鳴不已既見君子云胡不喜

晦昏也已止也瑞玉曰雨甚而晦雞鳴而長苦寂甚
矣故人來喜當何如

風雨三章章四句

風雨瑞玉曰思故人也風雨荒寒雞聲嘈雜懷

人此時尤切或亦夫婦之辭

青青子衿悠悠我心縱我不往子寧不嗣音

衿領也青衿學子之服瑞玉曰師憂弟子廢學而言
彼青衿之子頑童也我心長思之縱我不往館中子
寧輟絃誦之音聲

青青子佩悠悠我思縱我不往子寧不來

佩綬也士佩瑤珉而青組綬瑞玉曰縱我有時不往
子寧不來學舍

挑兮達兮在城闕兮一日不見如三月兮

詩問 國風卷下

五

挑輕躍貌達放曠也城闕城臺也登高候望之所瑞
玉曰師入學乃見諸弟子皆不來迹之嬉戲城上於
是歎言一日不視學舍業荒廢如三月之久也

子衿三章章四句

子衿序云刺學校廢也世亂學荒生徒解散師
儒閔其弟子失學而作瑞玉曰師儒以事去館
士子舍業嬉遊憂之而作

揚之水不流束楚終鮮兄弟維予與女無信人之言人
實廷女

鮮寡也。迂欺也。牟氏曰：水閔於石，不流。楚兄弟閒於人，不親睦，皆非其性也。余曰：初多兄弟，而終寡塵，有存者二人，爾若復信人言，迂汝則一身之外更無人矣。

揚之水不流，束薪終鮮。兄弟維予，二人無信人之言。人實不信。

迂者一時妄言不信，素日不誠。

揚之水二章章六句

揚之水刺不睦也。兄弟之不睦由於信人言。

詩曰：國風卷下

十六

出其東門，有女如雲。雖則如雲，匪我思存。縞衣綦巾，聊樂我員。

縞，繪白色。綦，蒼艾色。巾，頭巾也。員，助益也。言東門外遊女衣飾豔冶，爛然如雲，而我不思者，由我自有婦。爾衣服雖貧陋，實我之內助，聊可與樂之。

出其闔閭，有女如荼。雖則如荼，匪我思且。縞衣茹蘆，聊可與娛。

闔，曲城闔。臺，茶茅秀也。如荼，衣服輕揚也。茅蘆，染絳裳色也。亦貧女之服，然且可與共歡娛。

出其東門二章章六句

出其東門錄賢也雖見眾嫻所思不存淫泆之情生於不足綦縞堪娛糟糠不厭謂之賢者也

野有蔓草零露漙兮有美一人清揚婉兮邂逅相遇適我願兮

蔓延也露棲草上動之則零瑞玉曰方春草長羣女出遊人見其尤美者一人眉目清揚貌又婉順喜於邂逅遂願也

野有蔓草零露漙漙有美一人婉如清揚邂逅相遇與

詩問國風卷下

七

子偕臧

瑞玉曰婉如清揚旣婉如又清揚審視之更見其美也與子偕臧言欲嘉禮會合思不及亂

野有蔓草二章章六句

野有蔓草喜遇也瑞玉曰鄭國之俗士女春遊踏草而歌詩人道其慕說之意爾後人賦詩斷章遂爲遇賢之作

溱與洧方渙渙兮士與女方秉蘭兮女曰觀乎士曰旣且且往觀乎洧之外洵訏且樂維士與女伊其相謔贈

之以勺藥

渙渙冰解水盛貌蘭也采蘭水上祓除不祥且語
辭一云與祖同勺藥香草也瑞玉曰春水方渙士女
秉蘭而遊此士女未嫁娶者也又有夫婦偕往者女
問男曰往觀乎士答曰已觀矣因謂女曰且往觀乎
洧水之外其地信寬大可樂其人則士女相謔贈勺
藥結姻好也汝盍往觀之

溱與洧瀏其清矣士與女殷其盈矣女曰觀乎士曰既
且且往觀乎洧之外洵訏且樂維士與女伊其將謔贈
之以勺藥
瀏清貌冰初解水尚濁久而清也殷眾也士女秉蘭
遊者愈眾將相將也

溱洧二章章十二句

溱洧序云刺亂也瑞玉曰鄭國之俗三月上巳
修禊溱洧之濱士女遊觀折華相贈自擇昏姻
詩人述其謠俗爾

鄭二十一篇

齊

雞既鳴矣朝既盈矣匪雞則鳴蒼蠅之聲

蠅有蒼者先且而起瑞玉問朝別色始入君日出而視雞鳴豈卽朝盈之時蠅聲天將曙雞鳴夜半後安得誤蠅聲爲雞鳴余曰賢妃恐君晏起初告曰雞鳴矣可以起有頃曰朝盈矣當卽起又曰匪但雞鳴蠅已飛起作聲矣三告也

東方明矣朝既昌矣匪東方則明月出之先

昌盛也朝臣眾盛東方明始曙也月之先日射也既明月猶先者望後晦前天曙月方出映日而有先

詩問 國風卷下

五

蟲飛薨薨甘與子同夢會且歸矣無庶予子憎

蟲飛薨薨卽謂蠅也甘嗜也蟲飛之時人尤甘寢瑞玉問古注會朝之人且罷歸恐未安余曰會且猶行將也賢妃告去曰我行且歸矣無以我故而多予子憎

雞鳴三章章四句

雞鳴美賢妃也書傳云大師奏雞鳴於階下夫人鳴玉佩於房中告去齊魯詩云佩玉晏鳴關雎歎之賢妃御於君所心常做畏恐君晏起畱

色廢事數告戒之詩人述以美焉爾

子之還兮遭我乎猎之間兮竝驅從兩肩兮揖我謂我
儂兮

還便旋貌猎山名曠閒之地遠於田禾避蹂踐也肩
三歲獸肩相及者儂勇捷貌子還我儂互相美也從
兩肩尙勇也竝驅貴和也揖我有禮也

子之茂兮遭我乎猎之道兮竝驅從兩牡兮揖我謂我
好兮

茂好皆謂才藝美也牡獸尤難從者

詩問

國風卷下

三

子之昌兮遭我乎猎之陽兮竝驅從兩狼兮揖我謂我
臧兮

昌臧皆謂容貌美也狼敏捷獸尤難從者一說狼上
食必先倒立以下所向獵師遇之輒喜狼所向獸所
在也

還三章章四句

還美讓也古者田獵講禮讓蒐狩習威儀雖馳
逐原野猶相推賢能焉齊自大公以降五世之
君皆無失德內有雞鳴外有還二詩未詳何世

大抵開國遺風與

俟我於著乎而充耳以素乎而尚之以瓊華乎而

著門外表著之位素統色也瓊華佩玉也言壻親迎至女家俟立於門外之著主人出揖之初見其冠旁有充耳懸以素絲復見衣旁有佩玉加以瓊華特舉二者表上下之服夸其貴盛也

俟我於庭乎而充耳以青乎而尚之以瓊瑩乎而

門內曰庭主人揖壻入廟門至階主人升西面賓升北面奠鴈是俟於庭也瑩玉光潤也

詩問 國風卷下

二

俟我於堂乎而充耳以黃乎而尚之以瓊英乎而

階上曰堂女立於房中南面壻奠鴈畢受女於堂導以出是俟於堂也青黃皆統之色英亦華也玉之光色

著三章章三句

著美親迎也士有親迎者女家悅其服飾之盛君子喜其重大昏之禮述以美焉爾瑞玉曰經未見刺不親迎意

東方之日兮彼姝者子在我室兮在我室兮履我卽兮

東方日出謂朝旦也。姝子喻賢人也。履迹也。言朝旦之時，賢人已來在我室，我意猶未足於其去也。欲迹而就之，愛好之無已。

東方之月兮，彼姝者子，在我闈兮。在我闈兮，履我發兮。東方月出謂昏夜也。闈，門內也。發起行也。於其去我，又欲起而從之。

東方之日二章章五句

東方之日思君子也。人朝夕近君子則可以成

德

詩問

國風卷下

三

東方未明，顛倒衣裳。顛之倒之，自公召之。

顛倒錯亂也。言東方未辨色之時，未著衣，先著裳，所以如此。顛倒者，以有自公所而來召者爾。

東方未晞，顛倒裳衣。倒之顛之，自公令之。

晞日光氣也。東方日未晞之時，既著裳，又欲著衣，所以如此。倒顛者，又有自公所而來令者爾。

折柳樊圃，狂夫瞿瞿。不能辰夜，不夙則莫。

折柳，樊圃也。樊，藩也。圃，菜園也。瞿，驚顧貌。辰，時也。言折柳枝爲籬，人尙知畏。今以壺水司漏，曾不知時不

失之早則失之晚也

東方未明三章章四句

東方未明刺挈壺氏也時君興居無節詩人微其意以責臣古有挈壺氏以水火分日夜以告時於君

南山崔崔雄狐綏綏魯道有蕩齊子由歸旣曰歸止曷又懷止

綏綏安也齊子文姜也歸嫁也言南山之上雄狐安焉齊子亦魯桓所安也旣歸魯曷又懷於齊

詩問

國風卷下

三

葛屨五兩冠綏雙止魯道有蕩齊子庸止旣曰庸止曷又從止

綏纓之垂者瑞玉曰屨必兩綏必雙物各有耦魯桓是齊子之耦也牟氏曰庸常也齊子常在魯不應又從公如齊

蓺麻如之何衡從其畝取妻如之何必告父母旣曰告止曷又鞠止

蓺樹也東西曰衡南北曰從傳云衡獵之從獵之種之然後得麻也牟氏曰取妻受之女之父母不應又

鞠養父母家又曰萬章所論斷章取義也取妻者聽命於父母何言告乎

析薪如之何匪斧不克取妻如之何匪媒不得既曰得止曷又極之

析解也極至也言魯桓既用媒聘正娶當以禮法防禁曷又與俱至齊

南山四章章六句

南山刺淫也春秋桓十八年公與夫人姜氏如齊齊人刺焉舊說刺襄公瑞玉曰二章刺文姜

詩問 國風卷下

三四

二章刺魯桓經不言襄公爲諱爾亦不待言矣無田甫田維莠驕驕無思遠人勞心忉忉

田佃也甫大也莠草也驕驕張王貌慶源輔氏云田甫田妄作者也思遠人妄想者也妄作事不遂妄想心徒勞

無田甫田維莠桀桀無思遠人勞心怛怛

桀桀放縱貌甚於驕驕矣怛怛慘切貌深於忉忉矣婉兮變兮總角卅兮未幾見兮突而弁兮

婉變少好貌總角聚兩髦也卅兩角貌弁冠也言少

小之童子見之未久忽然加冠爲成人又明小可大
邇可遠也

甫田三章章四句

甫田戒荒也驚於廣遠志大心勞所以求者非
其道序云刺襄公也無德而求諸侯

盧令令其人美且仁

盧田犬令令纓環聲人見牽犬者獵人爾遂夸美之
所美非美也

盧重環其人美且鬣

詩問 國風卷下

三五

重環子母環也鬣髮好貌審視之見其髮美

盧重鉞其人美且偲

鉞一環貫二也偲才也一云多鬣貌又視之見其鬣
美

盧令三章章二句

盧令序云刺荒也齊俗好田獵畢弋而不事事
時人夸其美君子疾其荒爾又按春秋莊四年
冬公及齊人狩于禚詩豈作於斯時與若如此
篇次當與猗嗟相比

敝笱在梁其魚魴鰈齊子歸止其從如雲

鰈大魚歸嫁也牟氏曰笱制魚夫制妻自齊子之歸

魯也桓從之如雲從風

敝笱在梁其魚魴鰈齊子歸止其從如雨

鰈亦大魚牟氏曰雲降為雨沛然從令

敝笱在梁其魚唯唯齊子歸止其從如水

唯唯出入貌牟氏曰雨下為水曲折從令

敝笱三章章四句

敝笱刺魯桓公也敝笱不能制大魚孱夫不能

詩問 國風卷下

云

制驕婦婦從夫者也夫子制義從婦凶也詩人

謂魯桓有三從之道爾

載驅薄薄簟茀朱鞞魯道有蕩齊子發夕

薄薄疾驅聲簟竹席茀車蔽朱漆也鞞革也發夕夜

行也言齊子疾驅車出魯道而會齊侯曰發夕猶恥

也

四驪濟濟垂轡滿魯道有蕩齊子豈弟

驪黑也濟濟美貌滿滿柔貌豈弟樂易也不恥矣

之字從無以稱婦人者

汶水湯湯行人彭彭魯道有蕩齊子翱翔

汶水在齊魯境上言汶水之旁道上行人多齊子翱翔彷彿於其閒大不恥矣

汶水滔滔行人儻儻魯道有蕩齊子遊敖

儻儻眾貌遊敖久而忘反矣

載驅四章章四句

載驅刺文姜也馳驅於通道大都初猶隱之後而章矣春秋自莊二年至七年夫人姜氏會齊

侯者五

詩問 國風 卷下

三七

猗嗟昌兮頎而長兮抑若揚兮美目揚兮巧趨踰兮射則臧兮

猗嗟歎辭抑若揚言其體俯猶如人之仰實其頎長也美目揚目好眉揚也巧趨踰疾徐中節也射則臧善威儀也禮大射張皮侯而設鵠此章蓋大射

猗嗟名兮美目清兮儀既成兮終日射侯不出正兮展我甥兮

名猶稱也儀既成言終事禮無違也張布曰侯侯中曰正姊妹之子曰甥瑞玉曰展我甥兮歎美辭說者

謂拒時人言齊侯之子則輕薄語矣余曰賓射張布
侯而畫正此章蓋賓射

傳云目上為名目下為清二
尺曰正外孫曰甥此四句皆
可疑
關之

猗嗟變兮清揚婉兮舞則選兮射則貫兮四矢反兮以

禦亂兮

變壯好貌婉眉目好也選異等倫也貫中而貫革也

反復中其故處也可以禦亂此章蓋軍射

猗嗟三章章六句

猗嗟刺魯莊公也美於容貌技藝而詩人三歎

詩問 國風卷下

六

嗟之將有大不美者與而詩人終不言之抑微

致其意焉射則臧矣如內行何展其甥矣如其

母何四矢之禦亂也禦其外而亂其內如其國

何

齊十一篇

魏

糾糾葛屨可以履霜摻摻女手可以縫裳要之襪之好

人服之

糾糾猶繚繚摻摻猶織織婦三月廟見執婦功女未

成婦也要裳要襪衣領好人亦謂女也服事也言葛履可履霜者爲儉爾女手可縫裳者爲勤爾不獨裳可縫要襪之屬新人皆整治之

好人提提宛然左辟佩其象揅維是褊心是以爲刺

提提安舒貌宛然曲遜貌左辟讓而避者必左也佩其象揅此句上下疑有脫文與上章句配也刺褊紕也又言新人初至門容止安詳夫揖而入不敢當尊讓而避左又佩象揅爲飾蓋尊貴之女也維是君有褊急心是以未三月而爲之刺繡縫裳爾古者衣作

詩問 國風卷下

元

會裳絺繡絺鄭康成尙書注讀爲蒔紕也

葛屨二章一章六句一章五句

下章疑脫一句

葛屨美勤儉也魏地陘隘其民機巧趨利其君儉嗇褊急然有聖賢之遺風焉以德輔之則明主也孔子云與其奢也寧儉故有取焉爾

彼汾沮洳言采其莫彼其之子美無度美無度殊異乎

公路

沮洳下溼之地莫酸迷菜俗名醋醋柳也公路掌公路車之官言汾水之旁有采菜者人見其容儀美無

限度歎之曰此美無度者殊不似公路家婦也

彼汾一方言采其桑彼其之子美如英美如英殊異乎
公行

一方水外之地采桑供蠶也英華也公行主兵車之
行列

彼汾一曲言采其蕢彼其之子美如玉美如玉殊異乎
公族

一曲水灣之處蕢水鳥卽澤蔦也如玉溫潤也公族
掌公宗族之官

詩問 國風卷下

汾沮洳三章章六句

汾沮洳美勤儉也魏之男女貴而能勤富而能
儉水邊躬自采菜人望見之不知其貴家女也
瑞玉曰古者君夫人躬桑以蠶大夫妻采蘋而
祭此詩猶二南矣何刺焉余問公路舉官則是
大夫玉英著美又似女子答曰大夫妻爾婦從
夫之爵

園有桃其實之殽心之憂矣我歌且謠不知我者謂我
士也驕彼人是哉子曰何其心之憂矣其誰知之其誰

知之蓋亦勿思

穀食也合曲曰歌徒歌曰謠士未仕者也彼人當國者也何其語辭言魏國貧困人皆采園桃而食我心憂之歌且謠不知者反謂我貧賤驕人爾且曰彼肉食者謀之既足矣子欲何爲乎舉國無一知我者憂亦何益我自今蓋亦欲勿思矣

園有棘其實之食心之憂矣聊以行國不知我者謂我士也罔極彼人是哉子曰何其心之憂矣其誰知之其誰知之蓋亦勿思

詩問

國風卷下

三

棘小棗也歌謠不已聊且出行國中不知者反謂我貧賤驕恣無所至極爾

園有桃二章章十二句

園有桃序云刺時也國小而迫其君儉以嗇而無德教其臣惰以偷而無遠圖國日侵削君子憂之而作

陟彼岵兮瞻望父兮父曰嗟予子行役夙夜無已上慎旃哉猶來無止

山有草木曰岵已逗邇也上登山也旃之也猶可也

孝子登山望父如聞父念己曰嗟予子行役當早起
夜寢無得已止干軍法也又如父見己陟岵者戒之
曰上山須慎之恐隕墜可來則來無止軍事而歸也
父尙義

陟彼岵兮瞻望母兮母曰嗟予季行役夙夜無寐上慎
旃哉猶來無棄

山無草木曰岵季少子也無寐不眠也婦人憐少子
雖成人猶念其食寢無棄言無棄母不歸也母尙恩
陟彼岡兮瞻望兄兮兄曰嗟予弟行役夙夜必借上慎
旃哉猶來無死

詩問

國風卷下

三

必借言必與同儕者借無獨行也無死言父母在無
輕生也兄尙親瑞玉曰父曰母曰兄曰以下追憶臨
行戒命也孝子壹舉足不敢忘父母壹出言不敢忘
父母夙夜無已思不止也夙夜無寐思之長也夙夜
必借夢見之也皆述父母兄念己之辭不主行役者
言

陟岵三章章六句

陟岵孝子思親也輔氏云行旅之人登高眺望

則必有思慕鄉里親舊之心狄仁傑登太行山
望白雲而思親之在下也愚謂不言己思親而
言親念己君子思其人如聞其語聞其語如見
其人不自知其肖也

十畝之間兮桑者閑閑兮行與子還兮

十畝之間民所受場圃也桑者采桑人也閑閑往來
貌還歸也言郊外場圃閒采桑男女往來閑閑然可
樂也采桑畢復相招曰行乎與子偕歸矣我今亦欲
歸隱爾人在朝市久則知田野親

詩問

國風卷下

三

十畝之外兮桑者泄泄兮行與子逝兮

十畝之外鄰圃也泄泄舒緩貌逝往也言行行不絕
有還歸者有方往者

十畝之間二章章三句

十畝之間招隱也朱子云賢者不樂仕於朝思
與友歸農圃爾蘇氏云有十畝之田其所以爲
樂亦鮮矣而可易仕之樂則仕之不樂也甚矣

坎坎伐檀兮寘之河之干兮河水清且漣漪不稼不穡
胡取禾三百廛兮不狩不獵胡瞻爾庭有縣貍兮彼君

子兮不素餐兮

坎坎用力聲伐檀爲車也干厓也牟氏曰寘斯人於河干是也漣風行水成文也猗語辭種曰稼斂曰穡一夫所居曰廛貍貉子也彼君子斥伐檀人也素空也言伐檀之人高隱河濱注目清漣聊可忘飢在位小人乃不稼穡而取禾不狩獵而得獸胡爲乎不見彼河干之君子義不素餐也

坎坎伐輻兮寘之河之側兮河水清且直猗不稼不穡胡取禾三百億兮不狩不獵胡瞻爾庭有縣特兮彼君

詩問

國風卷下

三

子兮不素食兮

直直波也十萬曰億禾秉數也獸三歲曰特

坎坎伐輪兮寘之河之濬兮河水清且淪猗不稼不穡胡取禾三百困兮不狩不獵胡瞻爾庭有縣鶉兮彼君子兮不素飡兮

淪風旋水成文也困圓倉也飡水澆飯也旦曰餐午曰食夕曰飡

伐檀三章章九句

伐檀序云刺貪也君子高隱有功而無祿小人

貪鄙食祿而無功

碩鼠碩鼠無食我黍三歲貫女莫我肯顧逝將去女適
彼樂土樂土樂土爰得我所

貫習也樂土有道之國民苦追呼假言大鼠竊食自
今無復食我黍也我畜養汝三年矣曾不顧念我習
慣之恩我往矣將去汝適樂土於以安生而得所

碩鼠碩鼠無食我麥三歲貫汝莫我肯德逝將去女適
彼樂國樂國樂國爰得我直

無食我麥待之次年夏也德恩意也直伸也適樂國
則怨得伸

詩問

國風卷下

三

碩鼠碩鼠無食我苗三歲貫女莫我肯勞逝將去女適
彼樂郊樂郊樂郊誰之永號

無食我苗又待之次年春也合之爲三歲古者三年
校民數而定版籍勞動苦也永號長呼也適樂郊誰
復追呼者

碩鼠三章章八句

碩鼠怨追呼也民困徵求催科之令時下胥吏
貪而不畏人飽民之食而不知德比於碩鼠然

惡而欲去之詩人述其辭而作

魏七篇

唐

蟋蟀在堂歲聿其莫今我不樂日月其除無已大康職
思其居好樂無荒良士瞿瞿

蟋蟀蚤也九月在堂職主也瞿瞿卻顧貌瑞玉曰三
農畢務民間燕會歌呼爲樂少年歌曰蟋蟀在堂歲
聿其莫今我不樂日月其除老人意不謂然乃賡歌
曰無已大康職思其居好樂無荒良士瞿瞿是則詩
人所述辭兼兩人非文出一口爾

詩問

國風卷下

三

蟋蟀在堂歲聿其逝今我不樂日月其邁無已大康職
思其外好樂無荒良士蹶蹶

邁行去也外餘也旣思職內所居又思職外所餘則
慮周也蹶蹶動而敏於事

蟋蟀在堂役車其休今我不樂日月其愒無已大康職
思其憂好樂無荒良士休休

役車庶人所乘歲晚農功畢役車於是休止愒過也
憂意外可憂者休休安閑貌戒備於先則優裕於後

蟋蟀三章章八句

蟋蟀戒荒也唐俗勤儉歲晚務閒民間燕飲歌呼笑樂不忘規戒詩人本其風俗憂深思遠有堯之遺風焉

山有樞隰有榆子有衣裳弗曳弗婁子有車馬弗馳弗驅宛其死矣他人是愉

樞刺榆榆白粉婁亦曳也或云牽也宛坐見貌言山樞隰榆良材可用以興子有衣裳可端委朝廷子有車馬可馳驅王路乃虛擁所有不以自奉身死之後

詩問

國風卷下

三

徒供他人愉樂爾復何有牟氏曰子孫是他人

山有栲隰有杻子有廷內弗洒弗埽子有鐘鼓弗鼓弗考宛其死矣他人是保

栲山樛杻櫛也保居有也言廷內洒埽自潔清鐘鼓考擊爲燕樂皆有用者而亦不爲

山有漆隰有栗子有酒食何不日鼓瑟且以喜樂且以永日宛其死矣他人入室

酒食鼓瑟不獨燕賓講禮且可以歡欣喜樂且可以永長此日而復不爲

山有樞三章章八句

山有樞風客嗇也士大夫專殖自封有資財而不用齒窳偷安君子勉以及時行樂爾瑞玉問車馬鐘鼓非細民宜有以爲答前篇意竊恐未安余曰然小序亦失之云刺昭公亦非章末二語非當施之君者戒僚友則可爾宛其死矣他人是愉亦不必他姓奪之慳吝之家必有淫嗣父祖半生辛苦子孫一旦豪華

揚之水白石鑿鑿素衣朱襮從子于沃旣見君子云何

詩問 國風卷下

三

不樂

鑿鑿鮮明貌襮領也諸侯服繡黼領而丹朱純子謂其黨君子謂桓叔也言水勢激揚白石分明易見曲沃耦國亦易見矣素衣朱襮始封之服從其黨而入於沃沃人得見新君宜其樂而反不樂何也

揚之水白石皓皓素衣朱繡從子于鵠旣見君子云何其憂

皓皓潔白也朱繡卽朱襮襮上繡爲黼也鵠曲沃旁邑見君子宜樂云何反有憂

揚之水白石粼粼我聞有命不敢以告人

粼粼清澈貌我沃人自我也言我所以不樂而憂者聞其君臣有命其事密不敢告人晉聞之乎不

揚之水三章二章章六句一章四句

揚之水沃人憂亂也晉昭侯封桓叔於沃沃強晉弱其黨潘父等助之欲傾宗國有密謀君子微洩其事風昭侯甚沃能戒之

且椒聊之實蕃衍盈升彼其之子碩大無朋椒聊且遠條

詩問 國風卷下

三

椒菜屬聊且皆語助朋比也遠條長枝也俗言椒正種多不實磕擲其子結實倍常桓叔晉之支裔其封沃亦以遠之不知乃成末大之漸詩人感之而言椒聊一實爾無意種之蕃衍乃盈升一實且然其後生子益將碩大無比因歎枝條遠揚末且愈大也椒性芳香而辛其旁草木不殖晉沃亦莫能兩大沃強晉其微矣

且椒聊之實蕃衍盈匊彼其之子碩大且篤椒聊且遠條

且

兩手爲芻兩芻爲升升不能容故以芻也碩大其實
茂篤厚其實堅

椒聊二章章六句

椒聊晉人憂亂也揚水沃人作故據沃言我椒
聊晉人作故斥沃爲彼皆忠於晉而不黨於沃
者也

綢繆束薪三星在天今夕何夕見此良人子兮子兮如
此良人何

綢繆纏綿也三星參也在天昏見東方十月時也良

詩問

國風卷下

四

人美室也貧人新娶鄰人見其室中無物惟有一束
薪而已出視在天惟有三星而已然新人美室也故
慰之曰子兮當復如此良人何言不須憂苦

綢繆束芻三星在隅今夕何夕見此邂逅子兮子兮如
此邂逅何

芻刈草也隅東南隅也參轉隅夜將半矣邂逅不期
而遇也昏姻過時如不意得之

綢繆束楚三星在戶今夕何夕見此粲者子兮子兮如
此粲者何

參直戶將曉矣粲美也始見曰良人相逢如邂逅審
視曰粲者

綢繆三章章六句

綢繆傷貧也國亂民貧昏姻禮不備鄰里觀之
歎其雖有美室不能爲禮爾

有杖之杜其葉湑湑獨行踽踽豈無他人不如我同父
嗟行之人胡不比焉人無兄弟胡不佞焉

杖特貌杜赤棠也踽踽無所親也同父兄弟也比輔
也佞助也言特生之杜其葉猶盛物有助也人寡兄

詩問 國風卷下

四

弟則獨行雖有他人而不如同父之親借曰他人可
恃行道之人皆可相比助而胡不然也

有杖之杜其葉菁菁獨行裊裊豈無他人不如我同姓
嗟行之人胡不比焉人無兄弟胡不佞焉

裊裊無所依也同姓同祖也

杖杜二章章九句

杖杜刺不睦也不親宗族骨肉離散獨焉而已
矣

羔裘豹袂自我人居居豈無他人維子之故

我人目大夫也疾之之辭李文貞公曰居居慢也愚謂詩人言猶是羔裘豹袂衣服未改從我人而乃居居然不與人親異於先大夫也我豈無他人可歸往但念子之故舊不忍爾箋云民之厚如此亦唐之遺風

羔裘豹裘自我人究究豈無他人維子之好

裘猶袂也李文貞公曰究究苛也瑞玉曰居安也究窮也與人倨倨然舉事察察然尊貴人氣習如此余曰好恩也謂先大夫舊恩

詩問 國風卷下

四

羔裘二章章四句

羔裘刺大夫也棄其故舊君子怨之而作

肅肅鴉羽集于苞栩王事靡盬不能藝稷黍父母何怙悠悠蒼天曷其有所

肅肅羽聲鴉性不樹止苞叢生栩櫟也牟氏曰盬苦也王事職分當爲靡有苦辛是也言鴉集於栩非其性民從征役非其所從王事我不爲苦但不得耕田養親爾子少怙父母長則父母怙子因歎悠悠蒼天國亂何時有定所乎而我亦得歸

肅肅鴉翼集于苞棘王事靡盬不能蓺黍稷父母何食
悠悠蒼天曷其有極

極已也國亂何時已

肅肅鴉行集于苞桑王事靡盬不能蓺稻粱父母何嘗
悠悠蒼天曷其有常

行列也稻稌也梁粟類常常道也亂定則復其常

鴉羽三章章七句

鴉羽憂亂也晉曲沃五世構亂春秋傳隱五年

秋王命虢公伐曲沃立哀侯於翼桓八年冬王

詩問

國風卷下

四

命虢仲立哀侯之弟緡於晉九年秋虢仲芮伯
梁伯荀伯賈伯伐曲沃王命討賊不能定民從
征役失養呼天訴之冀國亂早定事繫於王故
稱王事爾

豈曰無衣七兮不如子之衣安且吉兮

冕服七章侯伯之禮子謂武公也始受王命詩人陽
美之而言諸侯國多矣豈少衣七者乎但不如子之
得衣安且吉尤可喜爾有王命則安無他患則吉

豈曰無衣六兮不如子之衣安且燠兮

天子之卿六命故衣六煖煖也服久則煖

無衣二章章三句

無衣刺晉武公也并晉而重賂周僖王王貪其寶而錫之命君子惡其亂實刺而文美之

有杕之杜生于道左彼君子兮噬肯適我中心好之曷飲食之

道左道東也噬齧也脣齒相合言杕杜生道旁僻處行者不息其陰譬之弱晉偏安仕者不立其朝也彼君子顧理不顧勢儻肯噬然意合而適我乎若肯適也我則中心好之何但飲食之而已

詩問

國風卷下

四

有杕之杜生于道周彼君子兮噬肯來遊中心好之曷飲食之

周曲也噬肯來遊宦遊也

周韓詩作右

有杕之杜二章章六句

有杕之杜閔晉也瑞玉問序言刺晉武公寡特不求賢自輔恐未安經言道左道周隱僻之喻武公據有晉國地非隱僻黨與眾盛何言寡特余曰詩蓋作於武公并晉之前鄂侯翼侯立國

偏隅孤特無輔忠臣遺老號召君子求助爾

葛生蒙楚薺蔓于野予美亡此誰與獨處

薺草名野墓道也婦人見葛生薺蔓於墓道之上歎
言予之所美亡於此地誰與乎獨處而已

葛生蒙棘薺蔓于域予美亡此誰與獨息

域塋域也息止也至墓門則歎其獨息

角枕粲兮錦衾爛兮予美亡此誰與獨旦

角枕錦衾斂葬具也至墓則思衾枕鮮華夫葬此地
誰與乎獨旦而已亡者長夜無旦故曰獨旦也

詩問 國風卷下

望

夏之日冬之夜百歲之後歸于其居

夏日冬夜言長也居墓也牟氏曰婦人言子積日夜
之長至百歲之後而後歸其居則予美之獨處獨息
獨旦何其遙遙也

冬之夜夏之日百歲之後歸于其室

室壙也婦歸其室則夫不獨矣箋云言此者婦人專
一義之盡情之至

葛生五章章四句

葛生悼亡也晉好攻戰國多喪亡婦人哭夫於

墓間者傷之而作

采苓采苓首陽之巔人之爲言苟亦無信舍旃舍旃苟亦無然人之爲言胡得焉

苓菌也苟且也然荅然之也牟氏曰人言采苓宜於首陽巔無遽信之而往采人言采苓不宜於首陽巔無遽然之而舍旃人之爲言知他何者得實余曰不獨無信然之且問其言何從得則人不敢欺此止讒法

采苦采苦首陽之下人之爲言苟亦無與舍旃舍旃苟

詩問

國風卷下

四

亦無然人之爲言胡得焉

苦荼菜也又言荼苦首陽下與許也

采葑采葑首陽之東人之爲言苟亦無從舍旃舍旃苟亦無然人之爲言胡得焉

又言采葑首陽東言者隨撫其地聽者易亂其從

采苓三章章八句

采苓止讒也序云晉獻公好聽讒愚謂苓虛空之物可食而常毒殺人讒人飾虛辭以進君嗜之不知其毒也苦苦菜也得霜甜美人君甘讒

乃忘其苦也葑蔓菁也有美時有惡時讒言似
之人君喜其美不思其惡也故詩以三者喻焉
首陽同地采物異名喻讒人之言變亂無常一
事而屢更其說人以其似真則聽乃亂矣

唐十二篇

秦

有車鄰鄰有馬白顛未見君子寺人之令

鄰鄰眾車聲白顛的顛也言秦始有車矣但鄰鄰然
比行無次也始有馬矣但其顛白然非色也瑞玉曰

詩問

國風卷下

吧

未得見君小臣便自傳令無禮教也徐氏曰秦穆公
學於宀人宀人卽寺人

阪有漆隰有栗既見君子竝坐鼓瑟今者不樂逝者其
耄

阪有漆隰有栗言富也八十曰耄臣既見君驩然雜
坐鼓瑟歌呼而言今不爲樂日月逝而將老矣談笑
無禮

阪有桑隰有楊既見君子竝坐鼓簧今者不樂逝者其

亡

亡逝而不留也徐氏曰兩言竝坐草昧君臣眞率如見

車鄰三章一章四句二章章六句

車鄰美新造也襄公始國雖有車馬侍御然雜西戎舊俗而非西周之禮樂詩人感而賦之徐氏曰暴富之家其僕多狎創國之主其臣多野

此天子之尊必假叔孫通也

序云美秦仲先儒謂秦仲附庸未必

有此蓋襄公詩

駟賦孔阜六轡在手公之媚子從公于狩

詩問 國風卷下

四

驥驪也媚子嬖臣也言馬肥御善公之于狩小臣近幸雜然而從瑞玉曰左右之人親忠直之士疏爾奉時辰牡辰牡孔碩公曰左之舍拔則獲

奉者虞人翼以待射也左之射禽左也拔矢括也言田獸甚肥大公命御者左其車逆之舍矢則獲也君呼臣左亦言素無禮教

遊于北園四馬旣閑轡車鸞鑣載獫狁駟

輜輕也鸞鈴也田馬鸞在鑣獫狁皆田犬名載之歇之休其足力言田畢遊北園馬旣調習犬又閒暇瑞

四牡孔阜六轡在手騏駼是中駟驪是驂龍盾之合鑿以釐輶言念君子溫其在邑方何爲期胡然我念之

赤馬黑鬣曰駟中服馬也黃馬黑喙曰駟驂兩駢也盾干也瑞玉曰方言馬何雜盾余曰馬八尺以上爲龍車上載盾馬之高幾與盾合也釐環之有舌者輶驂內轡也置釐式前繫輶亦沃白金爲飾也瑞玉問此句宜與游環脅驅文相次余曰上章說車此章說馬釐輶爲馬設故爾邑城堡也在板屋猶野處在邑則築城而戍之方將也旣築城爲久屯計方不知何

詩問

國風卷下

辛

時爲歸期胡然我又思念之言不可解

伐駟孔羣公矛鏿鏿蒙伐有苑虎韞鏤膺交韞二弓竹閉緄滕言念君子載寢載興厭厭良人秩秩德音

伐駟四介馬也孔羣甚調和也公三隅矛也鏿矛下鏿也蒙討羽也伐中干也苑文貌畫雜羽之文於干上虎虎皮韞弓室瑞玉曰膺韞胷也金鏤飾之若今時弓室金丁爾毛傳云膺馬帶非也余曰交韞交二弓於韞中閉弓鏿也緄繩也滕約也竹爲閉而繩約之鏿弓體使正也載寢載興閔君子寢起之勞厭厭

安重也秩秩有序也言旣在邑而屯戍當安重持久
徐布德音以鎮撫之無徒邀近功又因君子溫其而
勉之

小戎三章章十句

小戎思戍人也襄公伐西戎啓西垂令將士屯
戍備之室家閔其勤勞詩人爲之賦爾

蒹葭蒼蒼白露爲霜所謂伊人在水一方遡洄從之道
阻且長遡游從之宛在水中央

蒹蘼也葭蘆也蒼蒼色老也露爲霜晚秋也伊人不

詩問

國風卷下

五

知姓名也逆流而上曰遡洄順流而涉曰遡游言秋
水蒼蒹蕭瑟之辰伊人可念上下求之止隔一水間
而不得也

蒹葭淒淒白露未晞所謂伊人在水之湄遡洄從之道
阻且躋遡游從之宛在水中坻

淒淒寒涼之意晞乾也晨露未乾蒹色淒寒湄水草
之交也躋升也言難至坻水中高地也

蒹葭采采白露未已所謂伊人在水之涘遡洄從之道
阻且石遡游從之宛在水中坻

采采成而采也凌晨采蒹露氣沾人思伊人在水渚
有寒意不也渙厓也右出其右也言其迂迴泚小渚
也

蒹葭三章章八句

蒹葭思隱也時有高士隱於水濱潛深伏隩可
望不可卽君子歎美之

終南何有有條有梅君子至止錦衣狐裘顏如渥丹其
君也哉

終南周之名山中南也條山楸梅柟也言山高木茂

詩問 國風卷下

五

蔚然一都會君子至止始來居有之也錦衣狐裘諸
侯之服顏如渥丹容色充盛其君也哉言是當來君
我者也牟氏曰久無君矣悲喜之辭

終南何有有紀有堂君子至止黻衣繡裳佩玉將將壽
考不忘

山廉曰紀道平曰堂黑與青謂之黻五色備謂之繡
黻宜在裳言衣者便文爾壽考不忘言此衣裳佩玉
年老人見之尤不忘牟氏曰周時威儀正如君子今
日老壽者尙能識之

終南二章章六句

終南美襄公也牟氏曰襄公有周之地周之舊人喜於得君美之也美秦而思周也

交交黃鳥止于棘誰從穆公子車奄息維此奄息百夫之特臨其穴惴惴其慄彼蒼者天殲我良人如可贖兮人百其身

交交往來貌言黃鳥止其所傷三良不然也從殉死也特傑出也殲盡也贖質也言三良死人過其墓臨視其穴而驚悼仰呼蒼天願以百身代其死惜善人之甚

詩問

國風卷下

三

交交黃鳥止于桑誰從穆公子車仲行維此仲行百夫之防臨其穴惴惴其慄彼蒼者天殲我良人如可贖兮人百其身

防當也一人當百夫

交交黃鳥止于楚誰從穆公子車鍼虎維此鍼虎百夫之禦臨其穴惴惴其慄彼蒼者天殲我良人如可贖兮人百其身

禦扞禦也

黃鳥三章章十二句

黃鳥閔三良也從君於昏死不爲義詩人哀而賦之秦穆公與羣臣飲酒酣公曰生共此樂死共此哀於是奄息仲行鍼虎許諾及公薨皆從死

歎彼晨風鬱彼北林未見君子憂心欽欽如何如何忘我實多

歎疾飛貌晨風鷓也鬱茂密貌欽欽憂懼貌言晨風疾入北林似君子行遯而隱也不得見則憂心欽欽

詩問

國風卷下

五

然懼終不見之也責之曰如何乎如何乎忘我乃實多不言去之之故反責去者之愬微辭爾

山有苞櫟隰有六駮未見君子憂心靡樂如何如何忘我實多

櫟柞櫟也駮梓榆也言櫟也駮也皆山隰所宜有賢人亦國家所宜有也

山有苞棣隰有樹檉未見君子憂心如醉如何如何忘我實多

棣唐棣也檉赤羅也如醉則憂更甚

晨風三章章六句

晨風序云刺康公也忘穆公之業棄其賢臣詩人微其意以責之

豈曰無衣與子同袍王于興師脩我戈矛與子同仇
袍襴也戈矛皆槍屬秦地周之舊民思念先王與民
同欲豈必曰汝無衣解衣衣之乎然民如挾纊感念
而言王于興師我當脩戈矛與子同敵王愾也

豈曰無衣與子同澤王于興師脩我矛戟與子偕作
澤裏衣也說文作襍袴也戟格也旁有枝格

詩問 國風卷下

五

豈曰無衣與子同裳王于興師脩我甲兵與子偕行
行列也偕作同發偕行同列

無衣三章章五句

無衣思周也秦好攻戰輕用兵而不恤民民皆
思周而怨秦焉

我送舅氏曰至渭陽何以贈之路車乘黃

母之昆弟曰舅渭陽渭水之北路車諸侯之車乘黃

四馬皆黃也贈之以此飲然猶若未足意有餘爾

我送舅氏悠悠我思何以贈之瓊瑰玉佩

悠悠我思念母也瓊瑰美石次玉言贈遺雖厚物不稱心

渭陽二章章四句

渭陽序云康公念母也穆公納晉文公秦姬時已卒康公送之渭陽念母之不見也見舅氏如母存焉感而作是詩

於我乎夏屋渠渠今也每食無餘于嗟乎不承權輿

夏大也渠渠深廣貌承繼也權輿始也穆公好賢開夏屋館之康公不嗣故假賢者之辭歎言我今所館

詩問 國風卷下

五

猶是夏屋也但飲食之而已無禮敬餘意吁嗟乎乃

不似先君爾每食無餘箋云遇我薄其食我纔足爾每食不飽俗說云食少不能得飽茲說

非矣秦雖簡賢何至爾也

於我乎每食四簋今也每食不飽于嗟乎不承權輿

簋盛黍稷器言今食器猶盛也但昔之食君親之今也每食君不在故食竟不告飽惡無禮也孔子食於少施氏而飽曰少施氏食我以禮

權輿二章章三句古注章五句

權輿序云刺康公也簡賢棄禮君子去之非爲

供薄其意怠爾

秦十篇

陳

子之湯兮宛丘之上兮洵有情兮而無望兮

子大夫也湯蕩也宛丘地名瑞玉曰陳之貴者挾伎
山遊故言子之游蕩而往宛丘上也信有閒情而無
威望上者民之望也

坎其擊鼓宛丘之下無冬無夏值其鷺羽

值遇也鷺羽舞翳也瑞玉曰人過宛丘下無問冬夏

詩問

國風卷下

至

所聞皆擊鼓之聲所值卽羽舞之容巫風盛也

坎其擊缶宛丘之道無冬無夏值其鷺翮

缶盎也可以節樂翮翳也

宛丘三章章四句

宛丘瑞玉曰刺巫風也士大夫延巫覡恆舞酣

歌於盛會之地是謂巫風爾陳之先大姬婦人

尊貴好樂巫覡歌舞其後化之遂成風俗

東門之枌宛丘之栩子仲之子婆娑其下

枌白榆栩杼也子仲氏子女也婆娑舞貌言出東門

至宛丘樹木陰翳貴家之女皆遨遊舞樂其下也
穀旦于差南方之原不績其麻市也婆娑

原野也績麻女職今擇良辰會高明之地而荒樂焉
瑞玉曰俗雖淫遊市上非婆婆之地蓋游女繁會如
市爾

穀旦于逝越以勸邁視爾如蒺貽我握椒

越於也勸總也蒺荊葵椒芬香也言又以善且而往
羣女總集偕行交相愛說言我視爾美如蒺爾還遺
我一握椒牟氏曰女子相語也

詩問 國風卷下

五

東門之枌三章章四句

東門之枌序云疾亂也風俗荒遊女皆棄業聚
會嬉樂爾

衡門之下可以棲遲泌之洋洋可以樂飢

衡門橫木爲門棲遲遊息也泌泉水也洋洋流貌言
衡門雖淺陋亦可遊息其下泌水不可飽亦堪玩樂
忘飢也

豈其食魚必河之魴豈其取妻必齊之姜

河魚尤美里語云洛鯉伊魴貴於牛羊伊洛水入河

豈其食魚必河之鯉豈其取妻必宋之子
食色性也知足者常樂

衡門三章章四句

衡門美隱士也朱子云隱居自樂而無求者之
辭

東門之池可以漚麻彼美淑姬可與晤歌

池城池也漚柔也言池水柔麻可緝績賢女能柔君
子以成德彼美淑姬可與晤對詠歌相切化也

東門之池可以漚紵彼美淑姬可與晤語

詩問 國風卷下

五

紵麻屬答述曰語

東門之池可以漚菅彼美淑姬可與晤言

菅茅屬自述曰言

東門之池三章章四句

東門之池思賢妃也序云疾君淫昏而思賢女
以配瑞玉曰美賢女也有娶妻者美而賢詩人
美之菅麻必漚漬而成德業須切化而入以言
夫婦則宜若淫奔倉卒聚會恐未易言此爾

東門之楊其葉牂牂昏以為期明星煌煌

楊垂柳牂牂葉密如羊毳也瑞玉曰東門外垂楊下
幽閒稀行相約以奔畏人故昏以爲期先來者候不
至乃至天曙大星煌煌然

東門之楊其葉肺肺昏以爲期明星晝晝

肺肺葉下垂如肺也晝晝小明貌天曉則星光微

東門之楊二章章四句

東門之楊刺奔也朱子云男女期會有負約不
至者瑞玉曰此人有尾生之信

墓門有棘斧以斯之夫也不良國人知之知而不已誰

詩問

國風卷下

空

昔然矣

墓門墓道之門凶僻生荆棘斯析也夫謂佗也已去
也言陳佗包藏凶惡如墓門之棘桓公生存當秉剛
斷去之乃其不良國人皆知而卒不已也誰昔爲此
者乎牟氏曰墓門有棘斧以斯之言行雖隱僻必有
披抉之者

墓門有梅有鴉萃止夫也不良歌以訊之訊予不顧顛
倒思子

梅美木鴉惡鳥又言佗之爲棘始固梅也由與惡人

居而導之爾訊告也先已嘗作歌告桓公而不顧至顛倒然後思子已晚矣牟氏曰墓門雖無人梅上猶有鴟豈可謂無見者

墓門二章章六句

墓門序云刺陳佗也朱子初解云追咎先君不能爲佗置良師傅以至此也牟氏曰風隱慝也防有鵲巢邛有旨苕誰俯子美心焉怵怵

防隄也邛邛也苕草名好生下溼俯誑也子美美賢也瑞玉曰鵲巢防上不安之甚余曰苕生邛中亦非

詩問 國風卷下

六

其所言賢人處勢孤危小人又俯張之不知誰人爲此我心怵怵然憂之

中唐有甃邛有旨鵲誰俯子美心焉惕惕

唐廟中路甃瓠觚也鵲綬草也唐甃人稀行邛鵲人稀見喻賢人處於閒散誰又俯張之則必見罪謫我心惕惕然懼之

案唐注本爾雅也逸周書曰隄唐山膺孔晁注唐庭中道也

防有鵲巢二章章四句

防有鵲巢序云憂讒賊也賢者孤危讒人構焉詩人憂之而作

月出皎兮佼人僚兮舒窈糾兮勞心悄兮

皎月光僚侶也月下女影也舒開解窈幽遠糾愁結
悄不言而憂也瑞玉曰月皎人僚光景可念纔舒愁
結旋又悄然心勞甚矣

月出皓兮佼人憫兮舒憂受兮勞心慍兮

憫愁貌憂憂也慍煩亂也言月色皓然良夜也佼人
反有愁怨之色以其憂思忍受情雖暫舒離恨牽心
又煩亂也

月出照兮佼人燎兮舒天紹兮勞心慘兮

燎明也天矯變也紹糾緊也慘哀切也言月照人燎
方舒天紹之情心復慘然不樂怨別爾

月出三章章四句

月出序云刺好色也男女相私往來以夜來欣
會聚往怨別離凡人之情從理則逸從欲則勞
詩人爲之辭冀其聞而改之爾東萊呂氏云用
字贅牙其方言與

胡爲乎株林從夏南匪適株林從夏南

株林夏氏邑夏南徵舒字靈公往夏氏民間相謂吾

君胡爲乎株林答曰從夏南爾或曰非適株林從夏南也疑其數數然胡爲乎株林猶言吾公在壑谷駕我乘馬說于株野乘我乘駒朝食于株

說舍也又言日夕矣駕乘馬何也答曰將宿於株爾又言朝旦也乘乘駒何也曰將食於株爾亦民間疑辭

株林二章一章三句一章四句

古注二章四句

株林序云刺靈公也淫乎夏姬朝夕而往詩人顯其事微其辭設爲民間往復之語將令言之

詩問 國風卷下

查

者無罪而聞者足以戒

彼澤之陂有蒲與荷有美一人傷如之何寤寐無爲涕泗滂沱

陂澤障也荷芙蕖也自目曰涕自鼻曰泗言陂澤蒲荷之間有美人家焉與草俱芳也獨處悲傷而無爲但有涕淚滂沱暗流而已

彼澤之陂有蒲與藺有美一人碩大且卷寤寐無爲中心悁悁

藺藺也卷意拳拳也其容碩大而意篤摯悁悁猶悒

悒也

彼澤之陂有蒲菡萏有美一人碩大且儼寤寐無爲輾轉伏枕

菡萏荷華也儼矜莊貌

澤陂三章章六句

澤陂瑞玉曰悼亡也余曰美貞婦也蒲荷二物同處澤陂有美一人獨處傷感然曰寤寐無爲其幽貞芳潔亦可見矣陳俗之淫而有婦如此十步之內必有芳草者也

詩問

國風卷下

六

陳十篇

檜

羔裘逍遙狐裘以朝豈不爾思勞心忉忉

羔裘諸侯朝服狐裘朝天子服逍遙閒適也言君初羔裘矣又狐裘矣先逍遙而後朝意不在朝也臣近咫尺恆不見君豈不爾思乎心徒勞而已

羔裘翱翔狐裘在堂豈不爾思我心憂傷

朝在路門外堂在路寢言君翱翔之暇或亦有時在堂然亦在而已不事事君誠樂之我心憂傷爾

羔裘如膏日出有曜豈不爾思中心是悼

或又不見狐裘但見羔裘日出照曜允澤如膏然更
不至朝堂矣瑞玉曰裘澤人瘁見之能無驚悼

羔裘三章章四句

羔裘牟氏曰刺不朝也檜君修潔衣服而不視
朝羣臣稀得見者大夫憂之而作

庶見素冠兮棘人欒欒兮勞心博博兮

庶幸也禮旣祥而縞冠素紕棘人喪人也欒欒毀瘠
貌博博憂勞也言今何幸得見素冠人也但哀毀骨

詩問 國風卷下

壹

立憂其傷生反令我心勞

庶見素衣兮我心傷悲兮聊與子同歸兮

大祥素縞麻衣冠素衣亦素也人皆有三年之愛於
父母俗雖恩薄見之亦感發而傷悲願與同歸於禮
庶見素鞞兮我心蘊結兮聊與子如一兮

祥祭朝服素鞞鞞從裳色感念傷悲蘊結不解願學
焉與之如一

素冠三章章三句

素冠牟氏曰美孝子也時人恩薄禮廢喪有不

能三年者人見孝子衣冠以爲幸爾

隰有萋楚猗儺其枝天之沃沃樂子之無知

萋楚鈹弋也猗儺柔順貌天少也沃沃肥澤貌言萋楚之枝雖旁延蔓引但以其形天沃而無所知故人亦不憎之疾淫恣者不然瑞玉曰喻人長大無禮義而淫邪反不如少小時不知人道可樂也

隰有萋楚猗儺其華天之沃沃樂子之無家

女以男爲家樂萋楚無家明有家者可疾也

隰有萋楚倚儺其實天之沃沃樂子之無室

詩問 國風卷下

六

男以女爲室言萋楚有實疾亂人子女之教者也

隰有萋楚三章章四句

隰有萋楚序云疾恣也少年漁色狂夫寄殺詩人疾之而思無情慾者也

匪風發兮匪車偈兮顧瞻周道中心怛兮

發揚起貌偈疾驅貌周道適周之路言是非古之風與何發發也是非古之車與何偈偈也西瞻周道風車變改所由顧之而驚悼

匪風飄兮匪車漂兮顧瞻周道中心弔兮

飄回風也。慄急疾聲弔悲悼也。

誰能亨魚漑之釜鬻誰將西歸懷之好音

漑滌也。鬻釜屬懷藏挾衣中也。言烹魚人所嗜故願沃釜鬻從之。西歸人所思故願附音書問之。

匪風三章章四句

匪風思西周也。王政不綱小國罷敝君子思豐鎬爾檜在滎陽爲鄭武公滅當平王東遷之初檜當尙在。

檜四篇

詩問 國風卷下

卷

曹

蜉蝣之羽衣裳楚楚心之憂矣於我歸處

蜉蝣俗名浮生朝生夕死楚楚鮮明貌言蜉蝣羽衣鮮潔浮蕩閒游不知其生不久也我心憂之不敢言從我歸家處我則告汝

蜉蝣之翼采采衣服心之憂矣於我歸息

采采華飾也。息安也。急忙言不得從我歸家安息我當告汝。

蜉蝣掘閱麻衣如雪心之憂矣於我歸說

李文貞公曰掘閱者掘然而飛僅閱朝暮瑞玉曰掘
穴地而出也閱容也穴小僅能容之余曰管子云掘
閱得玉則閱與穴通也因問此蟲黃黑色何言衣如
雪瑞玉曰初出地時故自白如蟬始出土亦是白也
余曰小人本掘穴窮巷無賴人爾今修飾邊幅作蜚
蜚狀我不敢說從我歸家我則說於汝

蜚蜚三章章四句

蜚蜚刺小人也曹之在位鮮潔衣服游蕩無度
不知危亡將至君子疾之不敢端言託之蜚蜚

爾

詩問 國風卷下

六

彼候人兮何戈與祲彼其之子三百赤芾

候人道路迎送之人何揭也祲受也芾韞也赤芾大
夫以上服也言有候人荷戈受爲前導者彼何人乃
赤芾三百皆朝之貴官也

維鵜在梁不濡其翼彼其之子不稱其服

鵜沔澤鳥也言鵜在魚梁翼不濡食成魚也小人據
高位不事事而厚得祿德不稱服然

維鵜在梁不濡其味彼其之子不遂其媾

味喙也遂稱也媾昏媾也君寵小人與之連姻

蒼兮蔚兮南山朝濟婉兮變兮季女斯飢

蒼蔚草木貌朝濟雲霞氣季少子女弱女也言朝望

南山雲樹深處有隱君子焉其婉變之幼子少女方

於斯啼飢也不言君子飢者君子固窮傳云季人之少子也女民

之弱者

候人四章章四句

候人序云刺近小人也共公遠君子近小人

鴉鳩在桑其子七兮淑人君子其儀一兮其儀一兮心

詩問 國風卷下

六

如結兮

瑞玉曰鴉鳩布穀即戴勝也每生七子或八子余曰

子多而飼如一似君子心平也淑人以善養人也言

鴉鳩哺子朝暮平均君子養人遠近如一其禮儀所

以一由其心思固結之故爾

鴉鳩在桑其子在梅淑人君子其帶伊絲其帶伊絲其

弁伊騏

鴉鳩常言在桑其子每章異木得一御眾之要也帶

大帶弁皮弁騏青黑色言君子帶絲弁騏衣服有常

是其儀不忒之實

鴉鳩在桑其子在棘淑人君子其儀不忒其儀不忒正是四國

忒差也正長也治也四國謂諸侯

鴉鳩在桑其子在榛淑人君子正是國人正是國人胡不萬年

牟氏曰胡不萬年歎今不復有此人 also 余問若以次言當先國人後四國瑞玉曰四國遠而難化故先言國人近而易及故後言又曰必儀不忒然後正四國

詩問 國風卷下

七

至四國正即國人可知故正四國言儀正國人即不言儀蒙前文爾

鴉鳩四章章六句

鴉鳩思盛王也用心專壹則四國蒙休牟氏曰思賢伯也下篇同

冽彼下泉浸彼苞稂愾我寤嘆念彼周京

下泉泉下流也稂童梁言下泉寒冽不能潤物苞稂非漑草浸之而病是以寤覺之中愾然歎息念彼周之西京時

列彼下泉浸彼芑蕭愾我寤嘆念彼京周

蕭蒿也京周西京之周

列彼下泉浸彼芑蕭愾我寤嘆念彼京師

著筮草京師大眾也余問稂蕭著何以况小國瑞玉
曰三草皆窟窿空虛之物水浸尤易腐敗故以爲喻
芑芑黍苗陰雨膏之四國有王郇伯勞之

小國無常隨世輕重當周之衰芑稂見浸方其盛時
黍苗芑芑非泉之列雨之膏也以興四國諸侯知有
王者由郇伯至賢宣上德意以勞來故爾

詩問

國風卷下

七

下泉四章章四句

下泉序云思治也小國困敝思西周盛時賢伯
之功爾徐氏云時晉文執曹伯分曹田故云

曹四篇

幽

七月流火九月授衣一之日躋發二之日栗烈無衣無
褐何以卒歲三之日于耜四之日舉趾同我婦子饁彼
南畝田畯至喜

火大火也七月暑退火西流將寒也九月霜降婦功

成則授冬衣矣一之日者數終於十復始於一欲言一之月則文不明欲言十有一月則不句故變言一

之日也此既變文故二三四并積是數之觸發風寒

栗烈氣寒褐毛布微寒衣可禦大寒須加褐也瑞玉

曰古者一夫宅五畝其半在田其半在邑春民畢出

冬民畢入下經云入此室處謂在邑之室此云同我

婦子謂適在野之廬也既卒歲矣正月先往修耒耜

二月舉趾行偕婦子而往以餉耕者於是田大夫亦

來至田數月不見見俱歡喜案漢書食貨志春令民畢出在壘冬則畢入於

詩問 國風卷下

三

邑下即引幽詩曰證之此班氏獨得為從來說詩者所不及瑞玉此解正合漢書也

七月流火九月授衣春日載陽有鳴倉庚女執懿筐遵

彼微行爰求柔桑春日遲遲采芣苢女心傷悲殆及

公子同歸

再言流火授衣將述女功之始故又本之陽溫也倉

庚離黃也余問微行傳云牆下徑瑞玉曰野中亦有

小徑余問遵小徑以女步遲取近耶曰女子避人爾

又曰芣苢白蒿所以生蠶今人用蒲公英亦芣類祁祁

眾也蠶事急余曰祁祁言遲爾春日暄長采芣人緩

緩行女心急自傷行步遲願殆近追及公子同歸至家公子幽公女也諸侯之女稱公子幽俗勤儉幽公之女亦以蠶事出

七月流火八月萑葦蠶月條桑取彼斧斨以伐遠揚荷彼女桑七月鳴鵙八月載績載玄載黃我朱孔陽爲公子裳

萑葦葦葭可爲曲薄蠶月三月也不言五之日者蠶事至重故以配月瑞玉曰條桑卽柔桑也蠶初生食少故用條桑取葉存條也三眠食盛故伐遠揚枝落

詩問 國風卷下

七

之也女桑葦桑也卽條桑之萌葉蠶三眠凡生三駒先生者成繭皆及其母後者作繭薄不能食大葉故飼以女桑猗者新葉猗猗然凡三節事古注都欲一之誤爾余曰鵙伯勞卽伯鷄也夏至來冬至去七月猶鳴也績功也絲事畢而染事起八月染采之功成爲公子裳厚於所尊也

傳云載績麻事起愚謂八月非緝麻時麻又不以染考工

記云秋染夏蓋在此月

四月秀葳五月鳴蜩八月其穫十月隕摶一之日于貉取彼狐貉爲公子裘二之日其同載績武功言私其穢

獻豨于公

萁苦萁月令苦菜秀疑是也穫收禾也墮落葉也余問幽風記月文不虛設秀萁鳴蜩春庚秋蟋之類亦復何與農桑事瑞玉曰月以記時時以作事諸言月者有事則繫事無事卽繫時農家早晚候之何渠不言耶余曰貉賤自爲裘狐狸貴爲公子裘同謂竭作也豨一歲縱三歲豨大者公之小者私之余問其同何故必須二之日瑞玉曰一之日農功雖畢宮功方興于茅索綯皆此月事余曰卽如是于貉何不并俟

詩問

國風卷下

七四

二之日答曰狐貉之獸皆穴居民稍閒暇可便取之至於田獵習兵必須大眾竭作

劉向曰萁苦萁也爾雅萁繞棘窠徐鉉以

萁爲狗尾草也

五月斯螽動股六月莎雞振羽七月在野八月在宇九月在戶十月蟋蟀入我牀下穹窒熏鼠塞向墜戶嗟我婦子曰爲改歲入此室處

斯螽蚣蝢也動股以股鳴也莎雞一作沙雞俗名沙蟲六月中飛而振羽作聲宇屋檐也自七月在野以下皆謂蟋蟀也穹空隙也窒塞也向北牖墜塗也

瑞玉曰此室謂邑居之宅屋久無人鼠穴戶牖風雪
侵凌必須繕治乃可居之前同婦子出在野今嗟婦
子往入邑也牟氏曰邑屋穹隆而室固名曰穹室久
空無人鼠穿我墉熏而去之塞野屋之窗埋野屋之
戶將去故也

六月食鬱及薹七月烹葵及菽八月剝棗十月穫稻爲
此春酒以介眉壽七月食瓜八月斷壺九月叔苴采茶
薪樗食我農夫

鬱棗屬今雀李也薹薹亦鬱類也葵承露也菽豆

詩問 國風卷下

七五

也瑞玉曰菜可烹豆不可烹蓋如今俗作豆粥爾其
法菜半之豆半之糞爲粥古名半菽夏小正謂豆閔
也余曰菽蓋扁豆蠶豆之類七月正堪食剝擊落之
稻九月穫十月穫者稻孫也春酒凍醪也介助也眉
壽豪眉也瑞玉問瓠八月味苦不堪食斷爲壺任用
爾故瓠作壺余曰果苾菜茹宜助男功皆取供食不
得此句偏謂任用且甘瓠容有可八月食者斷者就
蔓斷取之叔拾也苴麻子也瑞玉曰荼苦得霜可食
樗非爲薪也九月非樵薪之時且下句遂言食我農

夫則二物皆供食也樗椿類葉有香者醃爲菹九月
葉可食薪者枝落之采其葉也余曰老者食珍壯者
食粗俗儉而有禮也穫稻爲酒以介眉壽則知蠶桑
爲絲帛亦供衰老經不言者互見爾

而小竊疑羊鬪
卽萋萋聲轉耳

案萋萋今俗謂
之羊鬪類葡萄

九月築場圃十月納禾稼黍稷重穆禾麻菽麥嗟我農
夫我稼旣同止入執宮功晝爾于茅宵爾索綯亟其乘
屋其始播百穀

牟氏曰場圃有牆農畢修築之納納入邑居蓋藏之

詩問 國風卷下

夫

黍稷以下一年收者至是合計之凡有此也余曰後
熟曰重先熟曰穆諸穀皆有之不獨黍稷也禾是總
名黍稷稻粱秫之類皆稱之獨麻菽麥則無禾稱故
言禾以別之嗟農夫者卽眉壽人也老者思慮長恆
先於少者稼旣同畢入邑也俗謂入城爲上邑居之
宅曰宮綯絞索也茅懼風吹故編索壓之乘升也瑞
玉曰野廬之居曰屋亟乘之者爲來春播百穀又將
同婦子往居焉豫治之

二之日鑿冰沖沖三之日納于凌陰四之日其蚤獻羔

祭韭九月肅霜十月滌場朋酒斯饗曰殺羔羊躋彼公堂稱彼兕觥萬壽無疆

冲冲鑿冰聲凌陰藏冰室蚤初旬也獻羔開冰祭韭薦新滌場淨如洗也余問朋兩尊也傳云鄉飲酒箋云饗羣臣瑞玉曰祭社與田祖爾春獻羔爲祈也冬殺羊爲報也余問公堂傳云學校朱子云君堂瑞玉曰田峻聽事處也民旣賽神於野遂相率入邑升田峻之堂舉彼神餘羊酒饋獻之答其勤勞又祝君萬壽無疆常有豐樂之慶也

案萬壽無疆之祝後世單施於君古人則上下慶幸

詩問

國風卷下

七

之辭通得稱之至漢猶然見於漢書馬援馮魴傳又吳良傳註引東觀記歲旦郡門下掾王望舉觴上壽掾史皆稱萬歲小雅楚茨朱子以爲公卿大夫之詩亦有萬壽無疆之語然則此公堂卽田峻之堂萬壽無疆亦祝田峻之辭矣

七月八章章十一句

七月序云陳王業也周公之東身遠王朝心勤

民事上述先公之業幽國之風口授矇工朝夕

誦之以風成王爾仁山金氏云七月非周公作

乃幽之舊詩故附於十五國風之後茲說恐非

又按朱子辨序謂七月是未居東時作

鴟鴞鴟鴞既取我子無毀我室恩斯勤斯鬻子之閔斯
鴟鴞惡聲鳥喻流言人也取謂掩得之子喻管蔡室
喻王家鬻賣也言流言惑人如彼惡聲之鳥既誘我
子掩取之慎無壞我室巢我之愛子恩勤備至今爲
爾欺賣之可伶閔也主造流言本由管蔡今反歸咎
鴟鴞以時二子既誅公以親親之故諱之

迨天之未陰雨徹彼桑土綢繆牖戶今女下民或敢侮
子

徹剝也桑土桑根也言前事無復道當及今未陰雨

詩問 國風卷下

七

時綢繆防後患今汝巢下之人或猶敢侮予乎疑之
而未敢必也

予手拮据予所拮茶予所蓄租予口卒瘁曰予未有室
家

拮据爪揭草也茶萑苕租粟米也手以拮茶而拮据
口以蓄租而卒瘁辛勤若此猶曰予室家未完如未
有爾甯可自暇逸

子羽譙譙子尾脩脩予室翹翹風雨所漂搖予維音嘒
嘒

譙譙殺也脩脩敝也翹翹危也嘒嘒急也言羽尾疲
勞巢尚危墜未陰雨時綢繆且然若復風雨漂搖當
何如雖哀鳴亦無益爾

鴟鴞四章章五句

鴟鴞序云周公救亂也管蔡挾武庚欲危公遣
其黨流言公東征得罪人而王猶未釋然於公
自以國家大定矣何復自苦爲公乃爲詩貶王
名之曰鴟鴞託之平鳥言懲前事誌後患君臣
焦心竭慮猶懼及焉敢卽安也王意尋悟於後
亦不敢復迂公矣

詩問 國風卷下

五

我徂東山惓惓不歸我來自東零雨其濛我東曰歸我
心西悲制彼裳衣勿士行枚蝟蝟者蠋烝在桑野敦彼
獨宿亦在車下

東山征地依山也惓惓久也濛雨貌東征以秋歸淫
雨尤多故每章言之口纔曰歸心已西悲如至家也
瑞玉曰制裳衣者衣裳垢敝新治歸裝余曰經言裳
衣非裳非衣古名跗注今名行袴此物簡而工省軍
中可制制謂縫新也士軍士枚如箸銜之止語士將

歸則勿復行陳銜枚矣蝓蝓動貌蠋桑蟲烝眾也敦聚貌言蠋羣處桑野士亦羣聚而非家猶獨宿爾於時殘暑行者露宿車下

我徂東山惓惓不歸我來自東零雨其濛果臝之實亦施于宇伊威在室蠨蛸在戶町疇鹿場熠燿宵行亦可畏也伊可懷也

果臝枯樓宇久荒則蔓之伊威鼠婦室不埽則家之蠨蛸長踦戶無人則網之町疇廬旁隙地鹿爲場臥之熠燿光明貌宵行螢母也能行不能飛此五物者

詩問

國風卷下

全

秋雨陰溼野廬荒涼常有之行人在塗惻然感念亦足可畏乃可懷思爾

我徂東山惓惓不歸我來自東零雨其濛鸛鳴于垤婦嘆于室洒埽穹窒我征聿至有敦瓜苦烝在栗薪自我不見于今三年

鸛水鳥垤蟻塚鸛鳴婦嘆感陰雨也洒埽穹窒喜新晴也睇望征人而我征忽已至矣行經籬落秋瓜之苦者纍垂蔓繫於架上因感歎言我不見此於今已三年矣瑞玉問古者師出不踰時爲怨思也春秋傳

云瓜時而往及瓜而代周公愛民調發何至三年余
曰金縢云居東二年詩云三年舉成數爾又考竹書
成王二年秋周公伐殷三年殺武庚四年春正月初
朝於廟計四年春朝廟此時當勞歸士周公歸當在
三年秋是則據作詩時稱三年其實往反纔一年爾
我祖東山悄悄不歸我來自東零雨其濛倉庚于飛熠
燿其羽之子于歸皇駁其馬親結其縞九十其儀其新
孔嘉其舊如之何

倉庚飛春時也黃白曰皇駮白曰駮縞悅巾也母戒

詩問 國風卷下

八

女親爲結悅筐篚之儀或九或十言多也軍士未娶
者有功而歸連姻貴族禮儀殷盛新昏者固甚美矣
其舊有婦而歎於室者遠歸相慶當復如何也

東山四章章十二句

東山牟氏曰周公勞歸士也一章在塗苦也二
章思家之情也三章初至家也四章至家後之
慶也

旣破我斧又缺我斨周公東征四國是皇哀我人斯亦
孔之將

斧隋斲斲方斲樵采器也皇齊詩作匡將大也言周公東征不事甲兵徐宣德化軍中斧斲除道樵蘇久而皆自缺破其哀我也德至大矣余問毛傳四國謂管蔡商奄朱子云四方之國義較闊大瑞玉曰東征卽指管蔡商奄何須復言四國乎經文不如此重沓

既破我斧又缺我錡周公東征四國是吡哀我人斯亦孔之嘉

詩問 國風卷下

三

錡釜有足者吡同囟率鳥者繫生鳥以來之曰囟囟化也周公化四國不暴如用鳥媒誘鳥然

既破我斧又缺我錡周公東征四國是適哀我人斯亦孔之休

錡韓詩云鑿屬一云獨頭斧也適斂也四國渙散周公以德斂聚之

破斧三章章六句

破斧序云美周公也斧斲錡錡皆軍中什器而非攻戰之資詩人言公討罪安民不以殺伐爲威征有罪而曰哀我人聖人用兵之情見矣

伐柯如何匪斧不克取妻如何匪媒不得

柯斧柄也牟氏曰柯與柯一類非斧居其閒則不克夫與妻一體非媒居其閒則不得此異而後同之喻非爲亂則公不得來也

伐柯伐柯其則不遠我覲之子遵豆有踐

踐行列貌牟氏曰旣用斧伐得其柯但見柯不見斧矣旣用媒取得其妻但見同牟不見媒矣此同而遂忘其異之喻公旣來則不復見其亂也

伐柯二章章四句

詩問 國風卷下

三

伐柯東人喜周公也牟氏曰東征旣克周公未歸東人愛之之辭

九罭之魚鱒魴我覲之子袞衣繡裳

九罭九囊之網袞衣上公之服東人愛周公言舉巨網則能獲美魚之子來我幸得見盛服也

鴻飛遵渚公歸無所於女信處

鴻北方爲家遵渚爲客信誠也言公客於東猶鴻爾或公不安於朝歸無所容就汝誠處如此矣喜辭也鴻飛遵陸公歸不復於女信宿

鴻宜水居陸非其所不復謂不復其官爵宿猶處也
是以有袞衣兮無以我公歸兮無使我心悲兮

公既信宿信處是以此閒得有袞衣之人兮但恐朝
廷迎公歸使我心悲爾我願其無然懼辭也

九罭四章章二句

舊注首
章四句

九罭東人愛周公也歸朝公義也畱東私情也
愛之至者欲其不安於朝而客於東恩德之入
至深也

狼跋其胡載窻其尾公孫碩膚赤舄几几

詩問 國風卷下

益

胡領下肉也足後曰跋華蒂曰窻公孫周公也碩膚
大有肌也赤舄盛履几几安重貌言老狼長胡大尾
行而胡反爲跋坐則尾又爲窻不安之甚今周公體
膚豐碩進退寬裕几几然正以舄言者人心不安步
履必皇遽失常

曲禮削瓜士窻之
疏云窻謂脫華處

狼窻其尾載跋其胡公孫碩膚德音不瑕

德音不瑕言令德聲聞不有瑕疵

狼跋二章章四句

狼跋美周公也居危疑之地而不失其聖疑亦

東人美之之辭

豳七篇

詩問 國風卷下

全

08502

